



UNIVERSITÄTS-
BIBLIOTHEK
PADERBORN

**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

Idem Evangelivm Ex Matthaei Cap. IIII. sic translatum.

[urn:nbn:de:hbz:466:1-69317](https://nbn-resolving.org/urn:nbn:de:hbz:466:1-69317)

EVANGELIA

Postmodò sed nobis Cephas dicere, tibiq;
Hoc cognomen erit firmæ de robore petre.
Nam tu petra mei fies firmissima uerbi,
In quo synceræ fidei doctrina recumbet.
Nunc igitur pisces & retia iacta relinquens
Me sequere, ut fias nostri pars inclyta regni,
Et capias homines per sacri retia uerbi:
Sic prædam referes summo piscator Olympo.

IDEM EVANGELIVM EX MATTHÆO

Cap. III. sic translatum.

ARGVMENTVM.

Petrus & Andreas pelago dum retia iactant,
Ad se præteriens Christus utrunq; uocat.

AD maris incedens Galilæi littora Christus
Conspexit geminos æquali corpore fratres:
Scilicet Andream iuuenem, Petrumq; Symonem,
Retia mittebant liquidas qui fortè sub undas,
Ut medio captos traherent è gurgite pisces.
Nam teneris fuerant assueti semper ab annis
Retibus æquoream iactis educere prædam,
Atq; hamos tractare leues, cymbaq; uolanti
Currere per mediam remis sulcantibus undam:
Hanc pater annosus natis præceperat artem,
Quæ sibi præsidium uitæq; alimenta pararent.

Veritas

DOMINICALIA.

Verum fata uiros aliò diuina uocabant.
Hos igitur lato cernens in littore Christus
Susulit exclamans talem de gutture uocem:
Hæc properate uiri, mox retia linquite uestra,
Meq; ducem uobis de celo sumite missum.
Namq; ego uos longè meliori sorte beabo:
Amplius haud pisces uitrea capietis in unda,
Sed mihi mortales prædam capietis Olympo,
Hæc uos, hæc alios faciet piscatio saluos:
Sic ait, ast illi diuino numine tacti
Retia squamosis cum piscibus arcta relinquunt,
Et Dominum celeres studio feruente sequuntur:
Accipiuntq; aliam mutato pectore mentem.
Iamq; hinc digrediens cum processisset Iesus,
Conspicit ecce alios Zebedæi pignora fratres,
Maiorem natum Iacobum, pariterq; Ioannem,
Qui cum patre suo subducta naue sedentes
Retia solerti reparabant fracta labore,
Claudebantq; nouo distenta foramina limo:
Hos etiam Dominus blando sermone uocauit,
Ipsius ut fiant socij, chariq; ministri.
Nec mora piscigera relinquunt cum naue parentem,
Atq; nouo Christi studio mandata capeffunt.

M 3 IN